



Hindari Buli, Ummah Harmoni

Penulis: Ustaz Muhaimin bin Mohamad Zaki
Cadangan Bacaan sebagai Khutbah Alternatif
pada 17 Disember 2021M/ 12 Jamadilawwal 1443H

الْحَمْدُ لِلَّهِ الْقَائِلِ،

وَأَعْبُدُوا اللَّهَ وَلَا تُشْرِكُوا بِهِ شَيْئًا^ط وَبِالْوَالِدَيْنِ إِحْسَانًا وَيَذَى الْقُرْبَى وَالْيَتَامَى
وَالْمَسْكِينِ وَالْجَارِ ذِي الْقُرْبَى وَالْجَارِ الْجُنُبِ وَالصَّاحِبِ بِالْجَنبِ وَابْنِ السَّبِيلِ وَمَا
مَلَكَتْ أَيْمَانُكُمْ إِنَّ اللَّهَ لَا يُحِبُّ مَنْ كَانَ مُخْتَلًا فَخُورًا ﴿٣٦﴾ (سورة النساء)
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، الْمَلِكُ الْحَقُّ الْمُبِينُ، وَأَشْهَدُ أَنَّ
سَيِّدَنَا مُحَمَّدًا عَبْدَهُ وَرَسُولَهُ، الصَّادِقُ الْوَعْدِ الْأَمِينُ.
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ أَفْضَلِ الْمَخْلُوقِينَ، وَعَلَى آلِهِ وَأَصْحَابِهِ
أَجْمَعِينَ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ! أَوْصِيَكُمْ وَإِيَّايَ بِتَقْوَى اللَّهِ، فَقَدْ
فَارَ الْمُتَّقُونَ.

SIDANG JUMAAT YANG DIKASIHI ALLAH,

Bertakwalah sekalian kamu kepada Allah dengan sebenar-benar takwa. Dan janganlah kamu mati melainkan dalam keadaan Islam. Marilah kita bersama-sama meningkatkan ketakwaan kepada Allah dengan

melakukan segala suruhan-Nya dan menjauhi segala yang ditegah-Nya. Mudah-mudahan asbab ketaatan dan ketaqwaan kita kepada Allah **سُبْحَانَهُ وَتَعَالَى**, segala bala dan ujian yang diberikan pada waktu dan ketika ini termasuklah wabak Covid-19 segera diangkat oleh Allah.

Sebelum melanjutkan bicara, suka khatib memberi peringatan. Marilah kita berikan sepenuh tumpuan kepada isi kandungan khutbah hari ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjejaskan kesempurnaan meraih ganjaran pahala. Mimbar pada hari ini akan membicarakan khutbah bertajuk: **“Hindari Buli, Ummah Harmoni.”**

HADIRIN SEKALIAN,

Sering kali kita mendengar berita sama ada di media masa atau media eleketronik, gejala buli semakin menjadi-jadi. Bermula di peringkat sekolah bagi kanak-kanak dan remaja, di IPT mahupun di pusat-pusat latihan hinggalah di tempat kerja bagi golongan dewasa, gejala buli bagaikan satu tradisi bagi melepaskan amarah dan dianggap sebagai bahan jenaka dalam kalangan sesetengah masyarakat di negara kita.

Paling menyedihkan, gejala ini bukan sahaja memberikan tekanan perasaan kepada mereka yang dibuli, malahan juga membawa impak negatif yang serius seperti kematian dan kecederaan serius kepada anggota tubuh badan mangsa yang dibuli.

Secara umum, buli ditakrifkan sebagai suatu perbuatan mengasari orang yang lemah dengan tujuan bagi menunjukkan kekuatan seseorang individu atau secara berkumpulan Selain itu juga, perbuatan membuli merupakan tingkah laku agresif sama ada dalam bentuk psikologikal, perkataan kasar atau fizikal yang dilakukan secara berulang kali ke atas mangsa dengan sengaja.

Oleh itu, tindakan buli juga secara jelas bertujuan mendatangkan perasaan tidak tenteram atau tidak selamat sehingga menyebabkan mereka yang dibuli akan mengalami gangguan tekanan mental mahupun fizikal.

Pada **ayat 36 daripada Surah Al Nisa’** yang dibacakan pada permulaan khutbah sebentar tadi, Allah **سُبْحَانَهُ وَتَعَالَى** berfirman yang bermaksud:

“(Dan sembahlah Allah dan janganlah kamu mempersekutukan-Nya dengan sesuatu apa pun. Dan **berbuat-baiklah** kepada kedua orang tua, karib-kerabat, anak-anak yatim, orang-orang miskin, **tetangga dekat dan tetangga jauh, teman sejawat**, ibnu sabil dan hamba sahaya yang kamu miliki. Sungguh, Allah tidak menyukai orang yang sombong dan membanggakan diri)”

Islam selaku agama yang berteraskan kasih sayang sentiasa menyuruh umatnya agar berkasih sayang, berakhlak dengan akhlak yang terpuji dan berbuat baik sesama manusia. Dengan sifat tersebut, mereka akan menjadi insan yang sangat dicintai oleh Allah **سُبْحَانَهُ وَتَعَالَى**.

MUSLIMIN YANG DIMULIAKAN ALLAH,

Gejala buli bukan sahaja mendatangkan tekanan perasaan kepada mereka yang dibuli, malah juga akan memutuskan tali silaturrahim sesama umat Islam. Malah jika keterlaluan akan membawa kepada kematian orang yang tersayang termasuk ahli keluarga. Sebagai seorang Muslim yang baik kita haruslah mengetahui bahawa tujuan manusia diciptakan oleh Allah **سُبْحَانَهُ وَتَعَالَى** di atas muka bumi ini adalah untuk menyembah-Nya dan bermanfaat kepada setiap individu lain di muka bumi ini sebagaimana firman Allah SWT dalam **Surah Al Hujurat ayat 10**;

إِنَّمَا الْمُؤْمِنُونَ إِخْوَةٌ فَأَصْلِحُوا بَيْنَ أَخَوَيْكُمْ وَاتَّقُوا اللَّهَ لَعَلَّكُمْ تُرْحَمُونَ ﴿١٠﴾

Maksudnya: Sesungguhnya orang-orang mukmin itu bersaudara, kerana itu damaikanlah antara kedua saudaramu (yang berselisih) dan bertakwalah kepada Allah agar kamu mendapat rahmat.

Malah, gejala buli bukan sahaja membuka pintu-pintu kejahatan malahan juga akan merosakkan ukhuwah dan keharmonian sesama insan. Jika tidak dikawal dengan baik, pastinya akan wujud sifat sombong dan marah yang keterlaluan seterusnya menambahkan perasaan dendam, dengki, benci membenci sehingga kadangkala boleh membawa pergaduhan sehingga boleh menyebabkan berlakunya kematian.

SIDANG JUMAAT YANG DIMULIAKAN,

Berdasarkan statistik, saban tahun berlakunya peningkatan kes buli yang telah direkodkan di negara kita. Kejadian buli yang menimpa seorang pelajar universiti awam di negara kita sehingga menyebabkan maut wajar dijadikan pengajaran oleh kita semua.

Terbaharu, seorang pelajar sekolah menengah yang dibuli sehingga tular dalam kalangan masyarakat seharusnya dijadikan pengajaran dan iktibar. Betapa gejala buli akan memberi kesan buruk kepada pelaku dan mangsa yang dibuli. Kebiasaannya, gejala buli akan terhasil apabila seseorang tidak dapat mengawal sifat amarah dan hawa nafsu yang wujud dalam diri.

Imam al-Maraghi mengatakan bahawa antara ciri orang yang bertaqwa adalah mereka yang mampu menahan perasaan amarah dengan sebaik-baiknya . Sedangkan mereka yang cenderung menuruti nafsu amarah hingga bertekad untuk membalas dendam, maka akan melakukan perkara yang boleh mengundang dosa serta kemurkaan Allah **سُبْحَانَهُ وَتَعَالَى**.

Janganlah kita menjadi golongan yang muflis di akhirat kelak setelah berpenat lelah melakukan kebaikan dan amal ibadat di atas muka bumi

disebabkan berakhlak buruk sesama manusia. Perkara ini ditegaskan oleh baginda Nabi Muhammad ﷺ dalam sebuah hadis Riwayat Muslim;

أَتَدْرُونَ مَا الْمُفْلِسُ ؟ قَالُوا : الْمُفْلِسُ فِينَا مَنْ لَا دِرْهَمَ لَهُ وَلَا مَتَاعَ ،
فَقَالَ : إِنَّ الْمُفْلِسَ مِنْ أُمَّتِي يَأْتِي يَوْمَ الْقِيَامَةِ بِصَلَاةٍ ، وَصِيَامٍ ، وَزَكَاةٍ ،
وَيَأْتِي قَدْ شَتَمَ هَذَا ، وَقَذَفَ هَذَا ، وَأَكَلَ مَالَ هَذَا ، وَسَفَكَ دَمَ هَذَا ،
وَضَرَبَ هَذَا ، فَيُعْطَى هَذَا مِنْ حَسَنَاتِهِ ، وَهَذَا مِنْ حَسَنَاتِهِ ، فَإِنْ فَنِيَتْ
حَسَنَاتُهُ قَبْلَ أَنْ يُقْضَى مَا عَلَيْهِ أَخَذَ مِنْ خَطَايَاهُمْ فَطَرَحَتْ عَلَيْهِ ، ثُمَّ
طُرِحَ فِي النَّارِ

Maksudnya: “Tahukah anda siapa sebenarnya muflis? Sahabat sahabat menjawab: ‘Muflis sepanjang pengetahuan kami ialah orang yang tidak mempunyai wang dan harta. Nabi ﷺ bersabda: Bukan muflis harta aku maksudkan tetapi **muflis pahala pada hari Kiamat**. Sebahagian umatku pada hari itu datang membawa amalan-amalan solat, puasa dan zakat.

Pada **masa sama juga dia membawa dosa-dosa** mengutuk orang, memfitnah orang, mengambil harta orang, membunuh orang dan **memukul orang**. **Penyelesaian pada hari itu adalah dengan mengambil amal kebajikannya lalu diberi kepada orang yang dizaliminya.**

Andainya amal kebajikan yang dibawanya belum cukup, **akan diambil dosa-dosa mangsa yang dizaliminya**, lalu dibebankan di atas kepalanya, kemudian dicampaknya ke dalam neraka.”

Melalui hadis ini, Rasulullah ﷺ memberikan amaran kepada kita agar menjaga hubungan sesama manusia ketika hidup di atas muka bumi ini. Tidak ada gunanya kita melakukan ibadah yang hebat, namun gagal dalam menjaga hubungan baik sesama manusia. Amatlah malang dan rugi amalan yang sepatutnya menjadi bekal ke syurga, merupakan asbab untuk masuk ke dalam neraka.

MUSLIMIN YANG DIRAHMATI ALLAH,

Antara penawar dan penyelesaian terhadap gejala buli adalah menginsafi bahawa kita merupakan seorang hamba di sisi Allah SWT. Selain itu, didikan agama dan penerangan mengenai gejala buli wajar diperhebatkan bermula di bangku sekolah lagi. Malah, penguatkuasaan undang-undang dengan pemberatan hukuman juga harus dipertingkatkan agar memberikan pengajaran kepada mereka yang melakukan perbuatan buli supaya tidak diikuti oleh orang lain. Tidak kira keturunan, pangkat atau darjat, perbuatan buli ini sama sekali tidak boleh diterima.

Insan yang bersifat berkasih sayang bukan sahaja dipandang mulia di sisi Allah, namun dikasihi oleh manusia. Baginda Nabi Muhammad ﷺ memuji orang-orang beriman yang berakhlak dengan akhlak yang baik serta tidak menyakiti muslim yang lain melalui sebuah hadis Riwayat Bukhari;

الْمُسْلِمُ مَنْ سَلِمَ الْمُسْلِمُونَ مِنْ لِسَانِهِ وَيَدِهِ وَالْمُهَاجِرُ مَنْ هَجَرَ مَا نَهَى
اللَّهُ عَنْهُ

Maksudnya: “Seorang Muslim (yang sempurna Islamnya) ialah (apabila) seseorang Muslimin (yang lain) selamat daripada (keburukan) lidahnya dan tangannya, manakala seorang muhajir (yang berhijrah) adalah seseorang yang meninggalkan segala yang dilarang oleh Allah ﷻ.”

SIDANG JUMAAT YANG DIRAHMATI,

Sebagai kesimpulan dari khutbah hari ini, perlu diinsafi bahawa selaku orang yang beriman hendaklah kita berusaha untuk menahan *mazmumah* (sifat keji) dengan sebaik-baiknya seterusnya tidak menyuburkan gejala buli dalam kehidupan bermasyarakat. Marilah kita bersama-sama menghayati intipati daripada khutbah yang dibacakan tadi:

Pertama: Selaku umat Islam, kita hendaklah menjauhi gejala buli yang boleh mencetuskan dosa selaras dengan aspirasi kerajaan bagi mewujudkan Keluarga Malaysia yang hidup secara berkasih sayang, aman dan harmoni.

Kedua: Sekiranya kita pernah melakukan perbuatan buruk terhadap manusia seperti membuli, hendaklah bertaubat kepada Allah dan memohon maaf terhadap mereka yang pernah dizalimi.

Ketiga: Amal ibadat akan menjadi sia-sia sekiranya kita menjadi golongan yang muflis di akhirat disebabkan tidak menjaga hubungan sesama manusia.

Firman Allah dalam surah **surah Asy-Syura ayat 37**;

وَالَّذِينَ يَجْتَنِبُونَ كَبِيرَ الْإِثْمِ وَالْفَوَاحِشَ وَإِذَا مَا غَضِبُوا هُمْ يَغْفِرُونَ ﴿٣٧﴾

Maksudnya: “Dan juga bagi orang yang menjauhi dosa-dosa besar serta perbuatan-perbuatan yang keji. Apabila mereka marah (disebabkan perbuatan yang tidak patut terhadap mereka), mereka selalu meminta maaf.”

بَارَكَ اللَّهُ ۖ لِي وَلَكُمْ فِي الْقُرْآنِ الْعَظِيمِ وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ وَاسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ فَيَا فُوزَ الْمُسْتَغْفِرِينَ وَيَا نَجَاةَ التَّائِبِينَ.



Khutbah Kedua Bulan Disember 2021M/ 1443H

الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأَمِينِ،
وَعَلَى آلِهِ وَأَصْحَابِهِ الطَّاهِرِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ
وَرَسُولُهُ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تَقَاتِهِ وَاعْلَمُوا أَنَّ اللَّهَ أَمَرَكُمْ بِأَمْرِ عَظِيمٍ،
أَمَرَكُمْ بِالصَّلَاةِ وَالتَّسْلِيمِ عَلَى نَبِيِّهِ الْكَرِيمِ، فَقَالَ اللَّهُ تَعَالَى: إِنَّ اللَّهَ وَمَلَائِكَتُهُ
يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٩٦﴾

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ وَعَلَى آلِ سَيِّدِنَا إِبْرَاهِيمَ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا
مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ
إِنَّكَ حَمِيدٌ مَجِيدٌ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا وَأَصْلِحْ أَيْمَتَنَا وَوَلَاةَ أُمُورِنَا وَاشْمَلِ اللَّهُمَّ بِعِنَايَتِكَ
وَتَوْفِيقِكَ عَلَى أَصْحَابِ الْجَلَالَةِ،

Kebawah Duli Yang Maha Mulia Seri Paduka Baginda Yang
di-Pertuan Agong, Al-Sultan Abdullah Ri'ayatuddin Al-
Mustafa Billah Shah Ibni Almarhum Sultan Haji Ahmad Shah
Al-Musta'in Billah dan Kebawah Duli Yang Maha Mulia Seri

Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato’ Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ اكْشِفْ عَنَّا الْبَلَاءَ وَالْوَبَاءَ وَالْغَلَاءَ وَالْفَحْشَاءَ وَالْمُنْكَرَ وَالْمِحْنَ وَالْفِتْنَ،
مَا ظَهَرَ مِنْهَا وَمَا بَطَنَ، عَنِ بَلَدِنَا هَذَا خَاصَّةً، وَعَنِ بُلْدَانِ الْمُسْلِمِينَ عَامَّةً،
إِنَّكَ عَلَى كُلِّ شَيْءٍ قَدِيرٌ.

اللَّهُمَّ إِنَّا نَعُوذُ بِكَ مِنَ الْبَرَصِ، وَالْجُنُونِ، وَالْجُدَامِ، وَمِنْ سَيِّئِ الْأَسْقَامِ، يَا
أَرْحَمَ الرَّاحِمِينَ.

Ya Allah dengan sifat-Mu yang Maha Pemurah dan Maha Mendengar! Kami hamba-Mu yang lemah merayu kepada-Mu agar Engkau angkat dan hilangkan segera wabak penyakit Covid-19 yang sedang melanda kami agar dapat kami melaksanakan syiar-Mu dengan sempurna.

اللَّهُمَّ قَوِّ إِيمَانَنَا، وَوَحِّدْ صُفُوفَنَا، واجْمَعْ قُلُوبَنَا عَلَى مَحَبَّتِكَ وَنُصْرَةِ
شَرِيعَتِكَ، بِرَحْمَتِكَ يَا أَرْحَمَ الرَّاحِمِينَ.

سُبْحَانَ رَبِّكَ رَبِّ الْعِزَّةِ عَمَّا يَصِفُونَ، وَسَلَامٌ عَلَى الْمُرْسَلِينَ، وَالْحَمْدُ لِلَّهِ رَبِّ
الْعَالَمِينَ. ﴿سورة الصافات﴾